

HUMANISSIMIS VI-

RIS, BERENGARIO, FERNANDO

& Francisco Ferreio, Legum Doctoria

bus, atq; præceptoribus suis Pe-

trus Lagnerius S.



PANTA sunt uestra in me uel studia, uel officia, uiri humanissimi, partim ut pudeat toties habere gratiam, partim ut noua mihi forma non occurrat, qua id faciam. Ego enim uos hactenus habui, cui carus æquè fui femper ac periucundus, ac se uestrum utriq; effem uel frater, uel filius.

itaque ab eo tempore, quo me in familiaritatem uestram & amicitiam contuli, memoria teneo, mihi summam uestram beneuolentiam & fauorem nullo loco defuisse, sed sæpius etiam recusanti & pudenti officium uestrum obtrusisse. Nunc autem quum maxime cupiam aliquo officij genere testatorem animum meum apud uos relinquere, nihil mihi in mentem uenit, quo possim quod cupio, commode perficere, nisi illud unum, quod uobis omnium credo fore gratissimum. Faciam, ut beneficia uestra, quibus respondere non possum, grata recordatione & memoria colam: maiora sunt enim & illustriora, quam soluendo ijs esse possit tenuis & angusta suppellex nostra: nisi hoc nobis forte tribuatur. de quo satis confidimus, ut nos gratiam retulisse, cum habuerimus, existimemur. Quod si nobis detur, haudquaquam uereor, quin magna ex parte reponatur quod debemus, cum eo uos natos ingenio, & eo iudicio esse intelligam, ut ab ijs beneficium accepisse existimetis, quos insigni alioqui beneficio ornaueritis. Quæ nos opinione recreati, non dubitamus, quin Similia hæc nostra & Parabolæ, quibus uos admodum oblectamini, a uobis probentur. Quæ si pari candore, & eo, quo a uobis omnia solent, animo accipiantur, fructum iam nos laboris nostri maximum atque uberem percepimus, Valet Tholose nono Cal. Septemb. Anno M. D. xli.

Q. ij

M. T.